



90859

斛山楊先生遺稿卷之四

七言絕句

雜詠五首

白日回光迷遠山，風煙薄暮早春寒。
我迴點檢蒙臣罪，一疏欲期天下安。

十載幽溪把釣竿，却教桎梏倚門闌。
葛藟滅頂皆天降，事到今朝死亦安。

桎梏真知行路難，况逢九九有餘寒。
忠猷總是邦家慮，死亦今朝心自安。

但爲當年耻素餐，反成世事日艱難。
而今死事得其

斛山遺稿卷四

所歸到黃泉，心始安。

幽囚罪足吐忠肝，日見邏人向北探。
聖主無勞關慮切，微臣不以死爲難。

贈蘇廷詔五首

望斷長蕪萬里深，思君不見淚沾襟。
高情爲我還甘罪，至死難忘今日心。

罪出經年憐我深，要存君子此宵襟。
問言廢食更流淚，是我懷君一念心。

數載幽幽獄戶深，相逢更得好宵襟。
要將爾我今朝事，說與兒孫記在心。

憶昔相逢幽陷深，各將國淚洒裳襟。我無孟博澄清志，君有西川豪傑心。

悄悄獨憐我罪深，淵思自慰此愁襟。吳天肯吊蒼生命，鑒此人臣日夜心。

人有犯晴川者，以此慰之。

一片西飛一片東，浮雲終不礙長空。人間變態閑來往，何與無涯育度中。

六月六日

六月六日殺蠹虫，無衣可出哭吾窮。聊將囚板堦前灑，一物光輝與世同。

附山道稿卷四

二

嘉靖乙巳年八月十二日出獄歸，九月十一日復弩繫京途謁夷齊祠二首。

孟津河下謁夷齊，悽愴風霜盈陌衢。願借首陽方丈處，藏吾天地一殘軀。

宸朝停馬拜荒祠，想見當年叩諫時。却笑史遷傳謬罔，武王安肯遽兵之。

澠池道中二首

西風落日滿塵埃，秦趙功名餘草萊。蘆葦蘭強皆國事，自能羞上會盟臺。

奮身秦館志難移，共羨相如智勇奇。四十萬人同日

死徒藏楚寶欲何為

謁比干祠

人心天意轉岐幽夫子安能不殺身一死祇將殷祀
絕空教千古吊三仁

謁羨里祠

後天剖破見精深都是周王至德心拜罷遺容思往
事直教客淚滿裳襟

遣偃男歸秦二首

汝自燕山歸雍州臨行不免淚雙流逢人便寫康寧
信寬我囚中一念憂

鮮山遺稿卷四

一八

三一

父已六年同楚繫

左傳南冠而繫者楚囚也

兒今三試佩吳鈞吾

家不說諂時話但向平平路上求

乙巳年十月二十五日夜復入獄詠栢一絕

反身未了他年罪樂土還逢今日安慰爾耐寒松下
栢主人依舊又來看

癸初出二絕

真品終難混草萊幾叢都是去年栽愁中偏有賞花
興早把赤心爲我開

天然根莖異蒿萊每藉春深夜露栽我去應無人會
賞徒傾一點與誰開

柱杖二首

風自回旋雲自輕耐寒耐暑始堪成得君今日為良
友險地扶吾暫可行

直幹元來不尚文平生羞與鬼薪諫官得爾成相
輔踏破恒山萬里雲

秋日

露冷風涼秋漸深塞天猶繫白頭吟已知憂國非吾
事有感還餘惻惻心

不堪秋草與秋風又把流光易此中萬里君門皇路
在一身罪難幾時終

山道稿卷四

八

四

年來欲與世相忘轉覺幽懷百慮長延頸九重天外
遠難將一念悟君王

復驚一葉墜庭前坐惜年華雙髮顛多罪殘身总是
我邇來都付與蒼天

風落庭柯又是秋有時樂在有時憂欲為萬里朋友
告歸鴈還遲塞上留

忽驚塞鴈報新秋困裏帛書肯寄不雲外長風吹六
翮一飛千里到西周

蟋蟀早已到幽床梧葉枝頭幾箇黃清晝半陰雲忽
忽幾人能解此淒涼

繞塞西風白露天萬山黃葉落翩翩穿窻日影無私
照一隙常來到卧邊

五十年餘人世事此間白髮幾經秋不知淫雨煙波
上誰去乘風泛柁舟
看開宇宙誰人事白晝天涯此日頭鴈過故鷺囚榻
夢一聲涼夜送高秋

秋燕

辭社還尋高處藏留予常繫五雲鄉時來時去天機
在羨爾一雙羽翼長

送高大觀年兄出獄用其留別韻

別念關心淚欲流送君出險我還留要知今日頰眉
意不是尋常生死愁

丙午秋七月朔夜夢友人王岡泉張東臺

總是髫年風分投神遊萬里自相求不知吾友今宵
夢亦得頃刻相遇不
不斷懸懸故舊情夢中携手與同行覺來展轉增悽
愴門外鈴聲報五更

暫合還離一旦情郊原哭送我東行年來憂患催人
老雙鬢而今已變更

去年送我出城東轉隔關山千萬重此時幽地心常

念只教夢裡暫相逢

夜初

半窓月色下長宵照此無窮客慮遙最是感懷一段
意北風落木夜蕭蕭

荅友人忽天章遼東作斷事

困裏風霜幾度侵多君不替故人心遼陽極目關河
杳讀罷音書淚滿襟

病中人有以詩喻使寬者次其韻荅之二首

數月言官耻素飡殺身今日有何難包荒本是男兒
事肯不同天一様寬

日午纔將數粒噲來之坎坎豈為難眼中視此容身
處同彼霄壤無限寬

聞人赤肚仙口號

跳落深坑已數年纔知半世總狂顛幾時拋却人間
事去到密雲學浪仙

春日十二首

乾坤無處不清明竚立獨看燕羽輕一念孤懷酬
聖主百年人物此殘生

窓間詩日漸融融曳杖逍遙百慮空千古吾心誰樂

與首陽花草自春風

雨霽春郊秀女蘿
閑雲偏惹落霞多
南鴻一羽衝寒峭
萬里長空晚獨過

陽和到處總無垠
老榦蒼柯向日新
莫到幽窗空歲月
東風還有去年心

柝聲急處鴈聲高
門掩園燈夜寂寥
念此天涯歸路杳
誰將一段楚魂招

雲掩燕山接地陰
霈城新雨細霏霏
即看宇宙均生意
識得乾坤作用心

遲日幽園春又深
閑聽燕語散愁襟
自知一息延朝暮
到此還餘憂世心

酬山道稿卷四

七

四年多罪鎖危垣
驚眼金吾春草蕃
一點孤忠應未死
君王恰有好殊恩

簷頭對雨雨蕭蕭
牆內葵心牆外桃
日暮東風惆悵處
閑看林鳥各歸巢

十載憂時一念深
竟成身世此浮沉
斜陽滿目蕭條事
寫作長歌次第吟

萋萋幽草映園堦
羨爾逢春早意諧
此日吾生猶未泯
且歌愁句散愁懷

從此超然脫故吾
天空海濶見洪模
無容類是假男
子有忍方爲真丈夫

偶興五首

幽中莫嘆久無家，
狃戶難將國夢遮。
七載悠悠何所事，
赤心白髮是生涯。

欲酌春醅伴此身，
榻前一盞轉傷神。
年來豈戒非因禍，
恐致君王殺諫臣。

風滿園垣月滿樓，
吾將風月伴幽囚。
人機本自天機出，
解到無思意便投。

坐對窓風一隙清，
人間萬慮總堪輕。
無端幽鳥閑來雜，
却作愁人深樹鳴。

一片閑雲遶翠松，
還成細雨暗千峯。
此時骨肉遙相

耐山遺稿卷四

八

見多在笳笳客夢中

葵花二首

園葵新發幾枝紅，
病裏空懸賞念濃。
只恐花疑吾不好，
詩成轉寄藉東風。

誰把葵栽幽厠中，
祇憑新雨秀新叢。
出門欲賞憐多病，
為問今開幾箇紅。

述思二首

當年各為主恩深，
生者難忘死者心。
將此滿腔憂世血，
變成赤淚墮囚襟。

年年燕塞動悲風，
應是人心願未終。
死去果然難避

九原還得再相逢

獨酌十首

春來病未放清歌惹得春風不其和偶酌燕山一盃
酒滿懷詩興若江河

老夫不是愛長歌恐把流光混裏過一瀟胷中無限
量古今天地在包羅

卧醒還酌兩三卮趕出胷中無限竒便笑古今忙脚
者撞來撞去總成癡

一寸修爲一寸天紛紛誰解此間年從今莫說癡兒
夢因榻安吾日夜眠

簡山遺稿卷四

九

男兒寸寸是剛腸要把塵腔百慮忘聊下牆頭一罇
酒不妨獨酌對羲皇

天地元來只一春春光到處豈無真須期努力將心
戒莫作園中憂世人

愁來還要酒消愁到手必須三四甌醉後吟詩詩罷
卧風流也屬獄中囚

連年病不似今年和煖風光我却眠春到無詩春自
去而今要補幾千篇

殘春隱隱恰如新老眼渾看見未真更不分天與人
異只疑共是一團春

陽春幾轉屬艱難未惜空餘兩鬢斑若把皇家元氣
論入牢強似入深山

遣懷四首

故園獨此念殘春無柰憂危此一身莫恠片言千百
死從來蹇蹇屬王臣

自來幽陷幾風霜憂切空餘兩鬢蒼故惜殘軀非我
意恐成一死累君王

春去還留此喘餘勞心空把百年虛有時不禁傷懷
切萬里家鄉一片書

一時感激切憂勞便欲捐軀報

斛山遺稿卷四

聖朝此日孤懷徒耿耿九重不啻九天高

送耿良弼四首

與子交遊不計年吳山當日杏花天官貧消息幾年
絕忽喜音書到卧邊

七載幽窓與世忘故人感激意偏長

聖明未肯殺忠直早晚吾將歸故鄉

蝴蝶夢中五十年將身但合老林泉真行走入深坑
裏空負良朋意戚然

千里風塵到帝鄉懸懸念我我心傷喬陵安得還相
遇共醉桃花流水傍

偶有感五首

吾狂歲歲繫燕臺一盞濁醪百慮開醉後自忘安險處誤將囚所作蓬萊

吾衰久不念東周那惜斑毛出髮頭海宇昇平天自造可能一手障狂流

吾心原來解深思宇宙安能獨任之力薄不堪身萬死踈愚空使後人嗤

老夫經歲卧囚窓慨世憂時念益長白日似憐吾寂寞故從小隙放餘光

當年祇抱素餐羞一日踈狂七載囚安得此時廊廟

斛山遺稿卷四

十一

上有人聊為我皇憂

乙巳年復被繫路作五首

白衣黑馬出鄉城飲餞多君揮淚情世上誰無生死路不須分袂嘆危行

漂零四海一孤踪眼底顛危悲路窮共說

君恩天浩蕩還期故里再相逢

涉險猶餘詩興狂回頭馬上別金陽

李驛丞號也

平生曾

次他無慮一念還為天下傷

遙向北邙哭范滂皇綱復為漢人傷諸賢不向幽中

死剖柱心無符後殃

三水如堪及俊良殺身不必慮深長投屍近有黃河
在誰肯將來葬首陽

遣懷

霧斷長天萬里空
遭迴日暮倚東風
紛如自是人間事
不介悠然胃次中

雪茶

霧後飛來滿太空
巧將輕片舞條風
六花烹作六安水
元氣都留玉盞中

殘雪二首

瑤花不但遍燕山
幽地虛池總一般
只恐春風吹得

耐山遺稿卷四

十二

急徘徊再賞片時間

同雲知不再淒淒
當午陽暉照故遲
賞汝笑無春脚
味興來但有感懷詩

慰章秀才

去年章生嗜前曾種絲

多難不須日嘆嗟
男兒身到即為家
堦前一片雪融處
饒我春深復種瓜

送趙大尹出獄

我在關西子在東
百年通得此相逢
從今音問千山隔
人世真如一夢中

讀蕭處士行狀

紛紛落到靜觀中一點浮雲散太空老筆千年心事
在未湏身後問窮通

初聞黃鸝

共步園庭佳樹陰逍遙因見古人心囚居莫道無真
樂也有黃鸝送好音

送人歸秦

春到燕臺策馬還文旌指日度函關故人若問園中
興道與山林總一般

送緒山出獄三首

每道別離今果離是誰懽喜是誰悲共將心事常相

憶記我丁寧四首詩

兩共幽園霜雪寒而今離別要相懽願君分袂毅然
去莫向鉄門回首看

二載相逢一旦離徘徊孰令我心悲此時此地真難
得說與兒孫世講之

寄偲母

偕老糟糠重德音園門無柰兩年深寄來秦樹三囊
棗見汝憂動一段心

送張本禮歸三首

弱冠交遊三十年乃今如此共天邊送行詩自獄中

寫安得不令我惻然
送君不肯淚漣漣
知為男兒心志堅
歸去朋友來訊
問道吾長夜已三年
目斷秋雲遠
盍簪側身西望淚沾襟
再將半紙新詩
出寫我留連不盡心

哭翟尚書

哭罷浦周已五年
悲懷今日復潸然
兩行出自中心
淚一洒尚書櫃板前

補衣口號次晴川公韻二首

夜補囚衣晝可穿
知君手段自心傳
成周誰是真男

心山遺稿卷四

十四

子千古人誇山甫賢

會補清霄神慢穿
昔人妙訣已無傳
高高在上真難
措煉石惟聞媯氏賢

夜懷緒山

獨坐更初有所思
悠悠令我心如饑
誰教咫尺同千里
安得夢中一見之

謝郭平安惠衣

賜服見君憐
我深茫滂肯負郭公心
從今少洒憂時
淚珍重不教沾素襟

送趙白樓

與子周旋風雪中留連送出白樓翁我曹莫道別離
苦此是

聖朝囹圄空

張公弼

抱痛周君意獨深
柩前一哭淚淋漓
昊天於此昭明處
照見先生一念心

往年一士夫勸勿作詩作此以曉之八首

罪人豈是好吟詩詩是罪人撥悶時
成後朗吟閒自咏融融滿目見天機

天機滿目是襟懷
滾滾都從詩上來
付此卷舒同大

斛山遺稿卷四

十五

運豈容一念自安排

安排了得見人心只向天然分
上尋要識此間真氣象
茫茫宇宙更無垠

無垠所向在先難一本從來非
二三百慮根原由此出
天人未可兩般看

罪人豈是好吟詩詩是罪人自得時
獨吟一聲心已解
此身此罪正相宜

此身十載卧松雲
千古真傳愧未聞
中夜思量年少事
雪窓曾讀比山文

雪窓若向靜中尋
得見昔人藏用心
舉目霄壤皆可

樂沂源正是此曾襟

沂源到此幾千年鄒魯心神在簡編誰識真陵數枝
草青青日夜秀窓前

和人韻四首

能從定裏息奔馳即是天人合一時
往哲籊籊吾剖破動無方所靜無私

病潛隱處最難醫拔去深根思匪夷
舜蹠相懸初未遠差之千里自毫釐

戶成人自此間出闔闢真機湏了之
却笑紛紛禦寇者徒勞破屋欲何爲

斛山遺稿卷四

十六

一原萬象皆同有要把心從此處知
善到公時多少大湏知無我是無私

讀詩經衡門篇

肥遯高風百世師衡門愧子獨棲遲
洋洋泌水今猶在還有幾人能樂饑

黍離

眼底興衰忽變遷每將心事問蒼天
農夫不解行人意知說離離是有年

幽風

碩膚一遜德愈光歎自東人樂繡裳
不有風雲雷雨

動鳴鶚豈易悟周王

和題扇上漁翁四二首

滿江秋月照熈明水國雲鄉老此生常慮中宵風雨
變孤舟時向岸頭橫

一見風波即放蓬徐徐再訪斗牛宮將吾心事頻思
檢慚愧烟蓑江上翁

送人出獄

相逢相別兩經春分袂情懷見子真此後金吾門外
過念予還是困中人

送人歸蜀

斛山遺稿卷四

十七

雍山蜀水共封疆送子教人偏感傷歸到秦關停馬
處好將多難報吾鄉

示姪休四首

旅舍空時家又空秦關燕塞路難通吾兒莫道饑寒
苦君子原來亦固窮

門掩隙塵客舍空寂寥人久在園中但願
聖明恤狂直爾曹與我再相逢

昔年送我古祠中兒向西行我向東此日音容如萬
里各將一念叩蒼穹

縲紲兩年骨肉離幽園客舍日相悲爾曹知命須寬

慰世道艱危古有之

謝人賜鷲米

遠將德惠過園墻味帶南風滿屋香可柰窮囚深恨
處思君高義不能忘

閑作二首

五年夜夜鎖客囚還餘鄉夢遶林丘白頭未了乾坤
事一息常為汝輩憂

天涯歲月自幽囚老去無須念首丘未了平生身上
債不圖今日汝曹憂

哭浦周二公

二子殺身良可傷老夫念念不能忘欲將往歲顛狂
事同到九原笑一場

禹卿歸秦仕兒留此難於爲別以此慰之二首
道義真原宜早尋况逢蘭若又深春男兒本是四方
客離別何須苦動心

良朋萬里此相尋爲念艱危歲月深安土敦仁賢哲
事男兒何處不寬心

贈人

送別獄門各感傷好將事業繼龔黃如逢潼上劉君
子道我囚中兩鬢蒼

讀微子篇

開卷悠悠憶昔賢，知將心事委蒼天。千年王子憂心在，老淚而今墮簡編。

送孫寺丞二首

不信榮華有是非，幽縲終日掩園扉。世間滿眼愁人事，忽見孫郎能早歸。

流連白首嘆知幾，日見庭柯黃葉飛。安得一朝携手去，與君共採首陽薇。

九月節

九天風色夜蕭蕭，此日君門萬里遙。不是諫臣愛一

斛山遺稿卷四

一九一

死殺身恐累

聖明朝

獨酌

獨酌燕山春甕香，暫開宇內一愁腸。醉看榻上無長物，惟有孔家活世方。

夜夢四老人俱彷彿，百餘歲衣冠古朴氣象莊。重皆天然不事矯飾，同坐一木甕予趨前長揖。四老人俱起，答之淵默，無一言覺猶宛在目中。以詩記之。丁未二月初三日早間書。

或是商山四老翁來，吾夢裏一相逢。鳳凰千仞當年

意固在平生寤寐中

白塔寺老僧號心公與予素未相識予辛丑年
春下獄是年秋燕山申大用以事波逮告以孤
松當予凶危之際日常流涕為予焚香誦保安
經祝不死當時一聞即以詩紀其事每擬出獄
必求一相見乙巳年秋暫歸田里以迫促速行
未遂夙願今復下獄喻年聞孤松已謝世矣因
述當日所作復繼韻悼之見予未忘孤松也
聞申大用告孤松祝予不死作

晉天吾欲振頽風墮入無涯淵海中誰誦保安心更

卍山遺稿卷四

二十

切令人日夜憶孤松

聞孤松謝世繼韻悼之四首

楚江漁父惜回風千古同歸一夢中歲月不堪人事
變酒吾雙淚痛孤松

深深塔院鎖薰風虛想形容入夢中當日孤松曾念
我而今我復痛孤松

蕭蕭松影遠紅塵海宇相關一念真悵望幾年空步
履還從此地一沾巾

幾年欲接上人風憂世襟懷與我同看到乾坤終始
處紛紛眼底總成空

夜夢一人頭戴紗帽無展翅謂諸葛孔明也予
揖而就之謂予曰塵世富貴何足道哉唯唯既
覺漏四鼓矣以詩紀其事丁未年六月十四日
四首

夢裏從容揖孔明回天事業竟難成出師兩疏心千
古可是巍然三代英

隆中運策三分定渭上屯田一念深星殞營中旋義
旆祗成當日受遺心

天厭東京久自虹輿圖分豁竟難同漢皇值此顛危
日空向南陽起卧龍

耐山遺稿卷四

三二

漢賊從來難兩立蜀川偏據未為安只教千有餘年
後五丈原頭秋夜寒

哭姜郎中

一世光陰半世終宜將運數委蒼穹吾心猶有難堪
處老淚哭君是獄中

靜裏閑談古與今超然物外是宵襟相逢獨有難忘
處夜雨東風一片心

詞 有感

踏莎行

黃葉蕭蕭西風浩浩犴中忽訝寒先到每將心事對

晴天肯因窮老傷懷抱。浮漚古今雲雨世道謾把
榮辱堪作笑男兒何事襟懷自有鳶飛與魚躍

沁園春

金風轉律流光暗易壯士蕭條存丹天一點點自陶
濯一身幽困兩歲長宵知作閑事樂天委運念頭此
外更無勞靜坐間把宇宙踪跡閑慮一遭○生平努
力相高都做了灰蕩與塵消看世事多般奇巧巧
於人何有也自逍遙狂風迴亂浮雲翻轉莫休莫歇
枉分撓適懷抱擡頭窗外秋雨蕭蕭

又滿江紅

辭山遺稿卷四

二二二

炎暑方闌忽驚眼庭前一葉報新秋蟬鳴深樹日暮
悲切嘆息人世千年事空老英雄豪傑○門掩後孤
燈滅圍牕照清夜月靜思量教人愁腸結幾時恩詔
歸田里絲綸隨處少遮迺莫道他渭水子牙翁育臆
別

踏莎行

大道昭明人心不死一理綿綿貫終始消息盈虛總
循環須知萬古皆如此○君父恩德臣子忠義存吾
之死矢靡已留取丹懷日浩然天地無窮永相倚
百年運數一旦遭逢天涯長夜嘆夢夢未惜宇宙托

蜉蝣空餘禾黍慨王風○眼前靡靡心上忡忡難免
幽園今固窮仰視青天與白日冥冥照我此丹衷
志扶顛隕身陷網羅先憂特為此心多氣吞天際長
虹勢手障人間東逝波○樓上秦曲軍前楚歌英雄
羽客總消磨惟有忠靈永不散與君攜手吊湘娥
孤懷炯炯天畔茫茫北風日夜此幽窓秦館兩行七
日淚燕庭一片五月霜○月臨日照地久天長不盡
當年烈士傷遺下霄壤千古恨總出人臣忠義腸
霧隱棘牆露低庭樹多難悠悠今未已百年世事總
成空一笑翻復任眼底○地角鄉關天涯囹圄回首

君門幾萬里豁然蘆杖步園堦西風吹散燕山雨

聯句

獄中看花聯句

每過花前動我思

斛山

雨餘忽見長新枝

聯

乾坤生意

原無盡

晴

物理乘機默與移

斛山

向日一心終自亦盈

園諸品獨無緇

聯

峯耐寒松栢千年秀與爾同當天下

奇

斛山

看花聯句七言律二首

粉墻斜倚似含思

聯

真蕊傾陽正滿枝雨露時從天

上降

斛山

根芟曾向圃中移

聯

無邊心事終懷赤滿眼

風塵不受緇諷雅態自堪供玩賞何須解語始為奇

聯峯

誰云仁去未之思物邇還憐一兩枝開落隨時皆自

得晴晦明向日更難移山雖無脂粉容常艷便出淤

泥色不緇一種天香元自異姚黃魏紫未為奇聯峯

大司馬聯峯老先生壽誕同難王子言具酒邀

予四人為先生壽坐中聯句得五言古風七言

律各一篇乙巳年夏四月十九日書

此辰當地盃酒喜相從感極寧辭醉衰顏肯近紅

峯聯時逢天地解雷雨滿長空晴憂國憂民意宇宙浩

灑聯山遺稿卷四 二四一

無窮解斯文千古會聚樂一家同諷浪迹形骸外高

情俎豆中晴誰憐幽陷裏各有反溥風解他年林下

樂須記此情濃義泉

又

難中此日逢初度聯嶽降曾聞生甫申雷雨經綸占

大手晴風雷遭際愧賢紳伊周事業應無分聯黃夏

淵源却有真解願得八荒開壽域普天稽首誦光仁

晴川

看花聯句

看花忽爾動遐思憶昔長安得意時今日看花雖異

地此花亦與人相宜聯隨身着處忘升降信步趨來

履險夷恠得幽中懷抱好興同賢拈坐東籬前人心

誰謂不如古造物從來豈有私晴好景縱觀皆樂地

從教無日不相隨義百年顯晦渾閑事一笑榮枯更

勿疑論但願此心常共赤何須殊色與爭奇聯平知

展轉艱危裏天欲吾曹慎所之前南北朋簪非易盍

乾坤脚板豈難支晴真機每向花前得終不逢人一

皺眉莫道看花淹歲月恩光指日是歸期前

又
與君斯邂逅一葉報新秋前名姓誰見道前山山心情

解山遺稿卷四
二十五

愧爾儔林盍簪如有像麗澤復何求晴珍重朋來義

相期到白頭溪

園中聯句酌酒

天涯今日共幽囚各爲當年天下憂前消息知宜觀

大易浮沉總付與清秋興風雷自是交相助聲氣何

須更別求晴醉裏悠然塵世外相看真是泛虛舟

復酌送巽峯出獄聯句

共傾一盞送君行不盡幽園此日情前塵世偶然開

笑口丈夫寧肯負平生晴豈爲湖海新賓主當是乾

坤老弟兄巽天際輕陰旋即散他年還共論誠明

語錄附

論學

天命謂性天人一理也率性謂道動以天也修道謂教求合乎天也戒懼慎獨自修之功至於中與和也中和性命本然之則也能致之則動以天矣故其效至於天地位萬物育

道不可須臾離可離非道是言當戒懼之意莫見乎隱莫顯乎微是言當謹獨之意應酬是有睹有聞不睹不聞是無所應酬之際也如出門使民是有所應酬則有睹有聞或問程子未出門使民之時當何如

解曰遺稿卷四

二六

曰此儼若思時也儼若思即是戒慎恐懼之意爲功夫尚未說到極至處故又提慎獨二字使人雖在暗室屋漏之中一念發動之際凜然畏懼不可少怠不敢少息則天理常存私意不萌純一不已而合乎天矣

中和心之本體也未發之中萬物皆備故爲天下之大本已發之和大經大法所在而不可違故爲天下之達道怒與哀中節皆謂之和

致中和止至善之云也天地之位我位之也萬物之育我育之也

君子之中庸中庸人理之常也小人反中庸豈人理哉時中者默識其理而妙宰物之權也若非禮之禮非義之義豈時中之道哉小人則率意妄為而已天下之道至中庸而極理得其會同義至於入神非至明不能察其幾非至健不能致其決故民鮮能之矣

董常問文中子聖人有憂乎言天下皆憂吾何獨不憂又謂樂天知命吾何憂何必如此說聖人固未易及然常人一念之發得其本心則與聖人之心無以異但聖人純亦不已衆人則或存或亡而已憂樂皆人情之常而本於性也豈聖人獨有樂而無憂乎若曰樂天知命吾何憂不成父母病聖人亦樂天知命而不憂乎豈人理也哉

漫錄

夜初靜坐少檢點日間言行因司馬溫公論盡心行已之要自不妄言始夫不妄言所言必皆當理非心有定主豈能至此故輕躁鄙背及事務瑣屑無益身心而信口談論者皆妄言也因書以自戒

作一好事必要向人稱述使人知之此心不定也不知所作好事乃吾分所當為雖事皆中理纔能免於

過惡耳豈可自以爲美才以爲美便是矜心禹之不矜不伐顏淵無伐善無施勞此聖賢切己之學也與人論事辭氣欠平乃客氣也所論之事雖當於理即此客氣之動便已流於惡矣可不戒哉書以自警予久處獄中粗鄙愈戾畧無貶損粗鄙愈戾乃剛惡也負以終身而不能變真可哀也因思橫渠貧賤憂戚王汝於成乃惕然驚省嚴然愧耻今日患難安知非皇天玉我進修之地乎不知省愆思咎而有怨尤之心是背天也背天之罪可不畏哉

予繫此四十一月矣邏者日在側覘予動作有甚厚

予携壺酌以仲問者後一人來甚橫逆予卧於舊門板上障之以席其人皆扯毀之謂予罪人不宜如此又徃徃發其厚予者使人知之曰某日某皆潛獻其處者盖令其得罪以見已薄之為是有蘇喬二人皆厚予者乃忿忿不平揚罵曰是固無傷也予非私交化外人雖得罪亦何憾

予與劉子煥吾周子順之同飯後因論人才各有所宜予謂二公自度宜何責任劉子曰吾爲孟公綽可周子曰今日府州外任勉強幾分予曰滕薛大夫聖人固不許公綽在春秋時欲盡其職亦非易事觀於

子產相鄭可見然則孟公綽亦不可輕看○一人因
狂病迷謬入 朝立 御座上捕下法司擬重獄成
未決其母詣登聞鼓稱冤順之在史料時直受鼓狀
遇此事未爲准理順之因問予使公遇此事當何如
處之予曰當論其狂病誤犯不可加罪但罪守門者
失於防禦則可矣劉子曰當封進鼓狀使 朝廷知
其以病迷下法司從末減可也順之曰此固皆是但
如此爲之必得罪以此小事得罪吾不欲也劉子謂
論人無罪不當殺恐非小事予曰此皆論利害未說
到義理處若論義理則當爲即爲當止即止豈計得
罪順之以爲然

便

好議論人長短亦學者之大病也若真有爲己之心
惟日不足戒慎乎其所不睹恐懼乎其所不聞時時
刻刻防檢不暇豈暇論人學所以成性而已人有寸
長取爲己有於其所短且置勿論輕肆辯折而無疑
難涇蓄之心謂之喪德可也此予之深患不能自克
可愧可愧

道心人心只以是與不是求之一念發動的不是則
爲人心道心性難體認擴克戒謹恐懼之功少有門

國則設錮泯滅而存焉者寡矣故曰惟微人心一動
即在凶險路上行矣喪德滅身亡國敗家由於此故
曰惟危所謂卿士有一於身家必喪邦君有一於身
國必亡內作色荒外作禽荒酣酒嗜音峻宇雕牆有
一於此未或不亡則人心之危真可畏哉

易謂險以說因而不失其所亨其惟君子乎予久處
困難亦時以此自慰但罪惡深重為世道之損者甚
大仰愧於天俯忤於人襟懷滯礙鬱抑不安之時常
多

心靜則能知幾方寸擾亂則安其危利其災禍幾昭
著而不能察矣况於幾乎幾者動之微而吉凶之先
見者也所謂先見亦察吾動是與不是而已所動者
是吉即萌於此矣所動者不是凶即萌於此矣意向
少離於道則步履反戾差之毫釐謬以千里矣故學
者以慎獨為貴

予稟賦粗鄙動輒乖謬夜間靜坐思此身過惡真不
自堪真難自容可謂虛頭此生矣年踰五十血氣漸
衰老景將至始自知過則已晚矣可勝嘆哉尚幸殘
生未泯欲自克勵求免於惡終耳昔以自警

顏孟二大賢雖氣象不同而學則未始有異顏子之

學在非禮勿視聽言動不違仁不遷怒不貳過孟子之集義養氣擴充四端求放心存心養性以事天則亦顏子克己復禮之學也

天下萬變真妄二字可以盡之偏蔽者妄也本體則真也學所以去偏蔽之妄全本體之真全則道本於性性純乎天立人之道始無愧矣天地亘古亘今但有此一箇大道理則亘古亘今之聖賢不容更有兩樣學問也

見獄中或有警擾呼左右問何事久而思之此動心也身居此地須要置生死於度外刀鋸臨之從容以

受致命遂志可也此正是為學用功處因思劉元城鼾睡是何等育懷可謂毅然大丈夫矣

今日早起朗誦君子之所以異於人者一章即覺襟懷開洒心廣體胖有西銘與物同體之氣象此心易至昏惰須常以聖賢格言輔養之便日有進益

士之處世須振拔特立把持得定方能有為見得義理必直前為之不為利害所怵不為流俗所惑可也如子思辭鼎肉孟子却齊王之召剛毅氣象今可想

見真可為獨立不懼者若曰事姑委曲我心自別即自欺也始或以小善放過且不可為小惡放過且可

為之日漸月磨墮落俗坑必至變剛為柔刻方為圓
大善或亦不為大惡或亦為之因循苟且可賤可耻
卒以惡終而不知矣此由辯之不早持之不固也書
以自戒

涇野呂先生過某府太守侍坐太守子讀書樓上聲
徹於樓下太守令止之曰當微誦恐損傷既又從左
右以時進食曰勿令饑又戒之曰當為掖之恐或蹉
跌先生謂太守曰公之愛子可謂至矣願推此心以
愛百姓可也遇順德府太守餞於門外餞所近府養
濟院先生以饌食一卓令二吏送院中謂太守曰以

公佳饌與無告者共之願公體我此心以惠恤鰥寡
可也訥溪周子述以告予予為嘆息者久之古人以
離群索居為深戒子貢問為仁孔子告以事其大夫
之賢者友其士之仁者使志道君子常得與先生相
親焉獲覩德容聞至論以自警省不患德之不修而
政之不善也嗚呼仁人君子之言其利溥哉

智者自以為不足愚者自以為有餘自以為不足則
以虛受人進善其無窮矣自以為有餘必無孜孜求
進之心以一善自滿而他善無可入之隙終亦必亡
而已矣書之以自勵焉

平生所爲得失相伴求欲寡過而不可得幽囚坑火
靜中頗覺省悟始有向學之心然殘損餘息血氣漸
減策勵不前虛生人世與草木同腐矣可媿哉

早起散步園階日升東隅晴空萬里鳶鳥交飛不覺
襟懷開洒萬慮皆空因思曾哲沂水氣象亦是如此
癸卯歲季冬十三日書

古人立己甚嚴其責人甚恕今人立己甚恕其責人
甚嚴孜孜為己不求人知方始是學

夫子荅顏淵為仁之功在非禮勿視聽言動居高位
有高位視聽言動居下位有下位視聽言動處
患難有患難的視聽言動臨死時有臨死的視聽言
動道無不在

予與劉周二公倚園墻北向坐一人解於北墻下相
去甚近二公訝之曰何不少避予曰此鄭瞞人旋於
宋朝之意蓋謂我無所問也

因置一甌奠食碗置之未安之處此心不已必欲既
安然後已將一箇身心不會置之安穩之地如箇無
稍工之舟漂蕩於風波之上東風來則西去西風來
則東去是何道理則是置此身心不如置此甌之敬
慎也

六月初八日夜初寢夢一男子長身少鬚鬚間白呼爵相拜曰予王陽明也數談論未嘗自言其所學語未畢忽驚寤予瞿然曰是何先聖先賢來此以教我乎或慷慨殺身於此地如劉忠愍之類者相與邂逅於夢寐乎明早當焚香拜謝之俄而屋脊墜一小甍塊於卧傍木板上聲震屋中守者驚起初九日早辰記

初九日夜夢一廟中塑伏羲像所服甚古雜以洪荒草服一人講易十三卦制器尚象之義於廟問之乃程先生也聽有儒士二人予入獄中四十一月夢關

義勇武安王與予遇者三亦有無言時亦有數相語時

連日天雨獄中木板皆濕予體弱少食因思小兒在外父子五年不能相見衣食不能相顧時張道全伍天儔二生皆在外候予與小兒同處數日消息未聞為之戚戚又思素患難行乎患難事至於此皆天命也當安受之陳少陽歐陽徹二公未嘗傳贅為臣以言語自任而殺其身况予論思之職敢不盡臣子一日之心乎盡此心以求自慊則或死或生豈可逆料予居此四年邏者候予有言日必錄予頗聞之每見

未嘗一言相答有以予不言回報者必答之有以其
言作予言以回報者又以不似答之於是邏者窮矣
多以情相告求予言以免其咎且曰事關於忠義者
願得數語予應之曰吾奏章數千言字字是忠義句
句是忠義乃以為非所當言而深罪之今若以忠義
騰口舌於爾輩之前是吾羞也一邏者求予有言情
甚切至予應之曰語出於無心者公記去則予心無
愧若出於有心是故為巧語轉移天聽以苟免罪難
也予實羞為况一有此心是即機變之智巧舉平生
而盡棄之天必誅絕使即死於此其人慘然曰公之
心如此予再不復求公言矣

又一邏者告予曰今日好言語上之矣問之乃太甲
篇天作孽猶可違自作孽不可活又繼之曰我乃自
作孽者故罪至於此予應之曰吾為言官天下事皆
所當言往時一疏上為

朝廷下為蒼生

宗廟社稷萬萬年深長之慮豈自作孽者其人默然
晴川劉公陞工部將之任冢宰羅整菴翁家居劉公
辭行整菴贈之以詩既劉公下獄與予誦之予與緒
山錢子皆依韻和之後人傳其詩於整菴處近一士

夫來京整菴公語相告曰向日得詩和荅以具但欠
推敲未可寄去予曰此非欠推敲也元老大臣家食
十年未嘗以書簡通權貴乃以一詩交罪人可乎此
老可以為法甲辰年六月十二日記

癸卯年二月內馬主政揆以事下獄馬十九歲發解
廣東二十舉進士任工部主政器度識見人未易及
告予曰聞近士夫言自古人主有本事者惟秦皇漢
武兩君而已予應之曰否自古人主有本事者惟堯
舜文王而已堯在位百年萬邦時雍治極當亂之時
而子丹朱又不肖堯乃尋一箇舜將天下分付與他

愈至於治舜在位五十年四方風動亦治極當亂之
時其子商均亦不肖舜乃尋一箇禹將天下分付與
他亦愈至於治文王深仁厚澤延周家之基業至八
百年堯舜文王以天自處氣運興衰不在於天而在
我所謂通其變使民不倦神而化之使民宜之者也
其本事何大哉秦皇剪除六國焚棄詩書掃滅先王
之迹而惟任一己之私一夫作難而七廟隳身死人
手為天下笑漢武承文景之富庶若委任賢俊取法
先王則禮樂可興故以多欲亂政窮兵黷武至於海
內虛耗幾致顛覆非有昭宣繼之則漢之天下未可

知也若二君之所為適足覆宗絕祀而已烏在其所謂有本事哉且使人主不法堯舜文王而法秦皇漢武是啓其殺伐之心而欲以亂天下也其所言謬妄亦甚矣馬出獄數月以病卒予甚悼之

間步垣中井上日色慘淡光景寂寥下視井水湛然清澈因思井渫不食為我心惻為之戚然

嘉靖乙巳年九月初五日朝發濬縣晚宿林清店店主醜惡買麵食用醋其人吝從者曰此不過費銅錢一文其人應之曰雖與十文吾亦不賣又欲買小米次早作粥其人亦固拒之予聞矣呼從者止之曰再

勿與語此數家之隙地或有賢者無招客屋而有屋者又非賢因思昔人言堯舜以天下讓而世之匹夫爭半錢之利人品相去何啻九牛毛易曰初六童觀小人道也此市井之常度其識見止此無足怪也

大人以治安之時為危亂小人以危亂之時為治安皆此人 也有大人之向慕有小人之向慕有大

人之識度有小人之識度有大人之作用有小人之作用此天地生物之不齊教化之施固有要而以宇宙間事為已責者不可不慎也乙巳年九月五日登

論文

文章以理爲主以氣爲輔所論純是一段義理是以理爲主辭氣充盛渾厚不覺軟弱是以氣爲輔須育中正大不以偏曲邪小之見亂其心又廣讀聖賢格言以充養之如此則舉筆造語皆自胸中流出其吐辭立論愈出愈新而無窮也如取之左右逢其源也其騰匯洩蓄流轉渾厚波瀾汪洋如決江河沛然莫之能禦也其光燄發揚照耀灼如日月中天深谷窮崖之幽花草木之微青者自青白者自白仰之以生輝觸之而成色也

斛山遺稿跋

斛山遺稿刻成，黃長魯公以視化龍，化龍拜讀再四，為之竦然竊深行所感焉夫。

世廟英明，迥出前代，矧當勵精圖治之時，庶績咸熙，賢哲登用，寧復有所缺失，可言楊公奮然抗疏，諤諤數千言，犯顏極諫，不少避諱，憂治世而危明主，即古之汲黯、朱雲，何多讓焉。公既下獄，前後數載，身困縲紲之中，日窘辱於吏卒，艱苦萬狀，與死為隣，人多不堪。其憂公獨坦然自得，慷慨從容，賦詩為文，畧無芥蒂，非所養之素定，何以此故。讀公之遺集，可以觀事君。

之忠焉可以觀處困之貞焉若公者
真可謂烈士矣矣夫人之立言凡以
關於綱常政治及發揮性靈道骨斯
為可傳否則雖爭奇競巧不遍雕虫
末技耳今觀公所上疏指陳時政明
達剴切悉關體要可為君人龜鑑其
詩文數十首逢時觸景直寫性真或

潛思力探發明道體而補袞之忠誠
尤藹然溢於言外其視浮華無當聲
律為奇者殆不可同年而語矣是集
先刻於關中侍御陳公賢賦江北首
以是命刻之廬陽俾忠義文章傳播
廣遠且使天下後世為人臣者聞風
而興起其有功於風教豈淺鮮哉嗟

夫秉彛好德人之良心讀是集者可
以深長思矣

賜同進士出身同知廬州府事
孫

化龍謹書

